

SARS E SWERE KOPANO YA DIPHETOGO YA BO-91 YA WCO YA KHOMIŠENE YA PHOLISI KA CAPE TOWN

Cape Town, 6 Disemere 2024. Ditirelo tša Motšhelo tša Afrika Borwa (SARS) di swere Kopano ya bo-91 ka boikgantšho ya Khomišene ya Pholisi ya Mokgatlo wa Khasetomo wa Lefase (WCO) ka Cape Town. Kopano ye e be le diphihlelelo tša setšhaba sa khasetomo tša lefase. Kopano yeo e bego e letetšwe kudu e kopantše mmogo baetapele le ditsebi go ralala le lefase go šomana le ditlhohlo tše di tšwelelago tša kgwebo ya ditšhabatšhaba le go bopa bokamoso bja ditlwaetšo tša khasetomo.

Ge a be a bolela ka pulo, Khomišinare wa SARS Edward Kieswetter o hlalositše WCO bjale ka “sedirišwa sa phethogo”. O gatelletše bohlokwa bja tirišanommogo le kamantšho ya go šomana le tikologo ya lehono ya tharagano ya kgwabišano ya lefase ka bophara. O boletše gore tirišanommogo le diphetogo tše dimpsha di bohlokwa go kgontšha balaodi ba khasetomo go fihlelela mošomo wa bona o bohlokwa wa go nolofatša kgwebišano le go hlokomela polokego le obamelo.

Lenaneothero la kopano le akareditše merero ya potlako e bjalo ka nolofatšo ya kgwebišano; ntwagaatlhanong le hlatswo ya tšhelete; mekgwatšhomo ya mpshafatšo ya khasetomo; le tswalano ya ditheknolotši tše di tšwetšego pele tše bjale ka bohlale bja ekišo le *blockchain*.

Go bile le nepo e itšeng ya Khasetomo ya go lekanyetša tagafara ya ditlhohlo tša (1) nolofatšo ya kgwebišano (Tirelo), (2) tiišetšo ya melao ya rena ya khasetomo; (3) tšhireletšo ya setšhaba sa rena go dithoto tše di ka bakang kotsi le tše di sego molaong, le koketšo e kgolo ya motšhelo wa go Tshela Mellwane le bosenyi bja khasetomo le hlatswo ya tšhelete ya go thewa ka Kgwebišano.

Baemedi ba amegile go ditherišano tša go tšwelela go utulla ditharollo go kaonafatša phethagalo, go šoma pepeneneng, le maikarabelo a ditshepetšo tša khasetomo. Kopano e laeditše bohlokwa bja thekgo ya ditlwaetšo tša khasetomo, le baemedi bao ba tsepeletšego go kgontšhagalo ya ditlwaetšo tša kgwebišano e tala le go šomma mogo le nepo ya klaemete ya lefase. Kgatelelo go maikarabelo a tikologo e laetša boitlamo bja tekanyetšo ya kgolo ya ekonomi le theko ya tšwetšopele.

Afrika Borwa e laeditše bokgoni bja ketapele ya yona ka go ba monngae wa ditherišano tša mahlakore bedi le balaodi ba bohlokwa ba khasetomo, go *akaretša Canada Border Services Agency* le the *Central Board of Indirect Taxes and Customs of India*. Diphihlelelo e bile go saena Peakanyo ya Temogo ya Kopanelo ya Badiriši bao ba Dumeletšwego ba tša Ekonomi

magareng ga SARS le Hong Kong Customs, go maatlafatša polokego ya ketwane ya phepo le go kaonafatša kgwebišano.

Bjale ka ge Kopano ya Khomišene ya Pholisi ya bo91 ya WCO e ya bofelong, šedi le ditharollo tšeo di abelwanego ka Cape Town di beakantšwe go tšwelela go ralala le mellwane. Balaodi ba khasetomo bjale ba hweditše thuto e kaone ya go šomana le tikologo yeo e fetogago ka lebelo ya kgwebišano ya go otlelwa ke mokgwatšhomo wa ditšithale le phepo ya diketwane ya go tswalana ya lefase ka bophara.

Khomišinare wa SARS Mra. Edward Kieswetter o boletše gore “khasetomo e bapala karolo e kgolo ya nolofatšo ya kgwebo e sego fela go ikhola eupša go phološa batho go tšwa bohloking, tlala le hlokego ya mošomo, yeo e amago dinaga tšeo di tšwetšwago pele. Ka mokgwa wo, tirišo ya theknolotši go kgontšha tshepetšo ya dithoto magareng ga mellwane go swanetše go phethagala ka kamano ya go fetoša maphelo a batho. Khomišene ya Pholisi e re file sebaka sa go dira dikabelo tše bohlokwa le go gatela pele.”

SARS e dula e ikgafetše go otlela phetogo, thekgo, le tirišano ya kgwebišano ya lefase ka bophara. Kopano e tiišeditše karolo e bohlokwa ya khasetomo ya go godiša kgolo ya ekonomi le go aga polokego ya go akaretša, le mokgwatšhomo wa maatlafatšo ya kgwebišano ya lefase ka bophara.

Polelo ya WCO ya mabapi le sephetho sa Khomišene ya Polisi ya bo91:
<https://www.wcoomd.org/en/media/newsroom/2024/december/91st-session-of-the-wco-policy-commission-concludes-in-cape-town.aspx>

Go hwetša tshedimošo enngwe, ikgokaganye le SarsMedia@sars.gov.za